



Song Raeuz Sim Doxgyaez

咱俩心相爱

□ Suh Dasingh / 苏大星



Sai:

Bet nyied gveiqva hai
Rang doh gai doh luengq
Heiq fiz gyoengq beixnuengx
Caez cuengq sing ciengq go

Mbwk:

Mbwn sang heiq youh sangj
Baihna j gvangqgumgum
Baihhenz ci raq rumz
Liengzsumsum ndei youq

Sai:

Gova hwnj ndaw suen
Vunz mbouj guenj nya goemj
Rumz boq ngaiz fiengz hoemq
Va loemq mbouj gyaunde i

Mbwk:

Vamaedlaeh youq byai

Dujduj hai ndaej angj
Daengz henz couh raen rang
Lwgsau angq camq gyauej

Sai:

Vunz caen mbouj lau gyaj
Max gvai boiq angim
Cijaeu nuengx miz sim
Mbouj yungh cim hix lig

Mbwk:

Gya ez beix geiq youq sim
Raemx guenq rim diuz dah
Hwnz ninz mbouj laepda
Yawj baq daengz ranz rongh

Sai:

Cangzngoz youq ronghndwen
Eufwen sw hgeij dingq

Yaek roengz biengz daeuj bingq
Lau mbouj hingz bouxcoz

Mbwk:

Cangzngoz boux vunz dog
Yaek okrog ma cim
Roeb lumj beix ngamj sim
Angq rim ei q ciuhvunz

Sai:

Gyanghwnz ninz mbouj ndaek
Yaek hwnqdaeuj ngonz roen
Baihna j lumj miz hoenz
Umj daeuj goenq faexnduk

Mbwk:

Siengj beix ninz mbouj caem
Hwnqdaeuj gaem dou aj
Laihnaeuz beix daeuj ra

Seiqhenz lah mbouj raen

Sai:

Haethaemh cungj siengj nuengx
Maqmuengh vaiq baenzranz
Ngeix daengz couh simfanz
Ciuhvunz nanz ra yah

Mbwk:

Siengj beix siengj daengz maez
Lumj raemxdah bae haij
Siengj lai lau uk vaih
Muengh caeux guh daizlaeuj

Hab:

Song raeuz sim doxgyaez
Lumj cimmae doxrangh
Yien fwngz byaij roen gvangq
Giet yenhyangh caemh rongz

• heiqdinj •

Ngaenz Bangbouj Deng Laengzlouz Le

补助款被截留之后

□ Boh Dahging / 波达荆

Maj cihsuh: Hai, daj ciuhlaux roengzdaeuj cwngci doucwng h couh-dwg baenzneix youqgaenj. Mboujgvaq neix hix suenq mbouj ndaej maz saeh hung, mbouj couh dwg laengz 5000 maenz ngaenz bangbouj dingjrengx ha? Haiz okdaeuj boiz couh ndaej luma——

Cangh cujyin: Raen mwngz gangj ndaej yungzheih lai, saehcingz gvaq-bae yaek buenq bi, gwih guk nanz roengz, mwngz baenzlawz haiz okdaeuj?

Maj cihsuh: Diuz neix ma, gou miz banhfap, cij aeu sij faenh gejgangj ciengzsa eq ndeu hawj gijveij, caiq gyau geij cien maenz ngaenz okdaeuj boiz mbouj couh ndaej luma?

Cangh cujyin: Neix dwg gag iet gyauej haeuj hongx bae, roxnaeuz dwg nyinhsoh gouz aeu yienzliengh?

Maj cihsuh: Hei, gangj ndaej nyaenx youqgaenj bae, raeuz ngamq laengz geij cien maenz neix suenq maz vwndiz. Mwngz yawjyawj doengh boux hak haenx dam ndaej geij cib fanh, geij bak fanh, gyoengqde cij dwg vwndiz, rox lwi?

Cangh cujyin: O! Gangj ndaej deng.

Maj cihsuh: Ne, mwngz hai dennauj, gou gangj mwngz sij, sij ndei le sikhaek cienz bae hawj cwngzgih gijveij suhgi, baujcwng mwngz mbouj miz saek di saeh!

Cangh cujyin: Yienghneix?

Maj cihsuh: Hai ya! Mwngz dingq gou gangj couh baenz lo. Hen ndaej mbaek naz youq, laeng ndaej haeux rim ranz.

(Cangh cujyin naengh haeuj naj dennauj bae, hai dennauj.)

Maj cihsuh: Bwh ndei caengz?

Cangh cujyin: Bwh ndei lo, gangj vei!

Maj cihsuh: Gijveij suhgi, bineix codaeuz ngaenz bangbouj dingjrengx baihgwnz bued roengzdaeuj, dou bonjlaiz gaenq guh ndei aen fueng-anq, cingq yaek fat roengzbae hawj gyoengq vunzmbanj. Hoeng, sawqmwh raq fwn naek ndeu daeuj ndaej gig ngamj seiz, gyoengq vunzmbanj geijlai ngoenz daeuj cou raemx dwk naz cungj sai rengz lo, bued ngaenz bangbouj dingjrengx camhseiz caengz miz yungh. Vih neix, dou couh ce gij ngaenz bued roengz haenx youq ndaw cunhveij, caj caezgya doxyaeng le, cij cuengq coh giz engq gaenjungh



Baijyienj dingjdaemx gyongraez.

ngaenz bae. Fanhfan h ngeix mbouj daengz, miz ndaek vunz sim bwn sim rwix, aeu di neix guh lijyouz daeuj gauq dou.

Cangh cujyin: Cihsuh, mwngz aen ciedciu neix, baenz! (Iet lwgfwnzgmeh okdaeuj.)

Maj cihsuh: Ha ha ha, lij dwg gij hing geq manh ha!

(Cangh cujyin sikhaek doengh-fwngz fat faenh vwnz dangj ndaw dennauj de ngamq sij ndei haenx okbae, sim angqvauvau.)

(Liengz vwnzsuh fwngz dawz faenh vwnzgen gyauejnding ndeu, dinfwngz fouxywkywk, sim angqfwng-fwng hwnjciengz.)

Liengz vwnzsuh: Cihsuh! Cujyin! Siusik ndei, miz siusik ndei ha!

Maj cihsuh, Cangh cujyin: Maz

siusik ndei?

Liengz vwnzsuh: Cihsuh, cujyin, gwnz cwngzgih doengbauq haenh mbanj raeuz lo, (Ndenq vwnzgen hawj cihsuh, cujyin) sou yawjyawj, baihgwnz haenh naeuz mbanj raeuz nienzco hong dingjrengx guh ndaej ndei, ngaenz bangbouj fatcuengq ndaej gibseiz, hawj daengx mbanj gij naz deng rengx cienzbouh ndaej ciuqseiz ndaem caez, mbouj miz saek mbaek deng vit fwz……

Maj cihsuh, Cangh cujyin: A! (Song boux doeksat dwk noh cungj heu liux, ngunh laemx gvaqbae.)

Liengz vwnzsuh: (Guhmuengz gvaq-bae rex, rex boux mbouj ndaej boux) Cihsuh, cujyin, sou baenzlawz la? Sou baenzlawz la?

(sat)